



**A** tibus. Et ante istius sessionis officium siue orationes solitas & conuertas, prælati & uia-  
 ualibus induti, mitras capitibus imposuerunt. Consequenter reuerendi patres & mini-  
 stri nobiles & strenui uiri serenissimi principis domini Ioannis regis Castellæ &  
 Legionis ambasiatores, & cum eis Petrus de Lomburga de Polonia, ambonem ascen-  
 derunt, ac ipsi ambasiatores tria in effectu facere pro præsentis sessione proposuerunt,  
 uidelicet primo concilium Constantiense conuocare, secundo præsentis congrega-  
 tionis in Constantia se unire, tertio subiectionem obedientiæ factam in Narbona iux-  
 ta capitula ibidem congregata approbare. Et deinde Petrus de Lomburga legit  
 quoddam procuratorium regis Castellæ. Quo lecto, frater Ludouicus de Valle Oles-  
 ti, unus de ambasiatoribus dicti regis, de consensu suo si coambasiatorum legit quan-  
 dam schedulam conuocationis, unâ cum bulla concilij conuocatoria domino regi Ca-  
 stellæ prædicto per synodum missa, iuxta capitula concordata Narbonæ, cuius sche-  
 dula conuocationis tenor talis est.

¶ **Schedula conuocationis.**

**B** In nomine sanctæ & indiuiduæ trinitatis. Nos Didacus Conchenensis episcopus, &  
 Ferdinandus Petri de Ayala maior præfectus Guispustræ, serenissimi domini regi-  
 Bus Castellæ consiliarij, Ioannes episcopus Pacensis, Martinus Ferdinandi domicello-  
 rum præses, Ferdinandus Martini de Danabeñ, Segobienensis, & Didacus Ferdinandus <sup>al. dauabs,</sup>  
 di Palentinensis ecclesiarum decani, decretorum doctores, frater Ludouicus de Valle  
 Oleti ordinis Prædicatorum in theologia magister Parisiensis, Ioannes Ferdinandi  
 de Rupeflore decretorum doctor, oratores & procuratores præfati serenissimi domi-  
 ni Ioannis regis Castellæ & Legionis, ac serenissimæ dominæ reginæ Castellæ, &  
 omnium quorum interest & interesse potest, Ad pacem & unionem sanctæ matris  
 ecclesiæ puris ac sinceris affectibus anhelantes, uolentesq; & intendentes adimplere  
 conuentionem in Narbona initam inter serenissimum principem & dominum, Sig-  
 gismundum Romanorum & Hungariæ regem semper Augustum, ac reuerendos  
 patres procuratores nuncios & legatos præsentis congregationis Constantiensis ex  
 una, & oratores ac procuratores serenissimi principis domini Ferdinandi clara me-  
 moria Aragonum & Sicilia regis, tam suo proprio nomine, quam tutorio & tutor-  
 ris nomine præfati serenissimi domini regis Nauarræ, necnon illustri principis Io-  
 annis comitis Fuxi ex alia partibus, præsentamus nos in hoc loco coram paternitati-  
 bus uestris, offerentes nos ad exequendum dictam conuentionem ac omnia & singula <sup>Constantien-  
 concilij sic, 104.</sup>  
**C** la in ea contenta, & sumus nunc attendentes, quod in primo capitulo dictæ conuenti-  
 onis continetur, quod conuocatio dictarum obedientiarum fiat per prælatos cæte-  
 rosq; uiros ecclesiasticos huius congregationis per literas directas ad reges, princi-  
 pes, prælatos ac alias personas de obedientia dicti domini Benedicti sic nuncupati,  
 Quod uiceuersa præfati domini reges, principes, prælati & alia persona dictæ obe-  
 dientiæ domini Benedicti sic nuncupati, debeant uos præfatos dominos prælatos &  
 cæteros de congregatione præsentis per suos ambasiatores aut literas hic in Constans-  
 tia conuocare. Et attento etiam quod literæ conuocatoria pto parte uestra domino  
 nostro regi Castellæ iam præsentata fuerunt, quas etiam ipse omnibus prælati &  
 alijs personis quibus dirigebantur, intimari fecit modo debito, prout per instrumen-  
 ta inde confecta patebit, cum fuerit opportunum, uolumus & nos satisfacere dicto  
 capitulo, cuius tenor quantũ ad literas conuocatorias quæ in eis cõtinetur, talis est.

Miseratione diuina episcopi, presbyteri & diaconi cardinales, patriarcha, archie-  
 piscopi, episcopi, prælati & cæteri in Constantia prouincia Maguntinensis in Chri-  
 sti nomine congregati, illustri principi, prout superius continetur, &c. Quoad fir-  
 nem lectã, idem frater Ludouicus legit, ut sequitur. Cui quidem capitulo satisfacere <sup>Constantien-  
 concilij sic, 104.</sup>  
 uolentes, conuocamus uos omnes prælatos & cæteros dominos de hac congregatio-  
 ne iuxta tenorem dicti capitulo,